

GRANT CYFALAF MENTRAU CYMDEITHASOL CRONFA FFYNIANT GYFFREDIN (CFFG) Y DU

Canllawiau 2023

1.0 PWRPAS Y GRONFA:

Pwrpas y grwnt hwn yw cynnig cymorth cyfalaf i sefydliadau a busnesau'r sector cymdeithasol a'r economi. Bydd y grant yn caniatáu sefydliadau/busnesau i brynu offer cyfalaf neu wneud gwaith cyfalaf.

Mae'n cael ei ariannu gan flaenoriaeth "Cefnogi Busnes Lleol" Cronfa Ffyniant Gyffredin Llywodraeth y DU (CffG y DU) a bwriad y grant yw cyflawni amcanion Ffyniant Bro Llywodraeth y DU:

Creu swyddi a hybu cynhwysiant cymdeithasol drwy fuddsoddi mewn diwydiannau a sefydliadau cyfredol a chefnogi dechrau busnesau i wella manwerthu lleol, cyfleusterau lletygarwch a hamdden.

Hybu rhyngweithio a chydweithio drwy ymyriadau sydd yn dwyn busnesau a phartneriaid ynghyd er mwyn rhannu gwybodaeth, arbenigedd ac adnoddau sydd yn sbarduno dyfeisgarwch a ffyniant.

Adfer ymdeimlad o gymuned, balchder lleol a pherthyn, yn enwedig mewn lleoedd lle y collwyd hynny.

Grymuso arweinwyr lleol a chymunedau, yn enwedig mewn lleoedd lle nad oes asiantaeth leol

Os bydd eich cais yn llwyddiannus, byddwn yn monitro'ch porosiect yn erbyn allbynnau a deilliannau perthnasol sydd yn gysylltiedig ag ymyriadau penodol Llywodraeth y DU. Bydd y manylion hyn yn cael eu cynnwys yn y llythyr cynnig grant. Am ragor o wybodaeth, gweler [UK Government Shared Prosperity Fund Prospectus](#)

2.0 BETH ELLIR EI ARIANNU:

Bydd CffG Grant Cyfalad Mentrau Cymdeithasol y DU yn ariannu:

- Gwaith adeiladu mewnol sydd yn gwella neu'n diogelu'r busnes / sefydliad / adeilad,
- Gwaith adeiladu allanol sydd yn cael effaith gadarnhaol ar wasanaethau'r sefydliad / busnes,
- Prynu offer

Gwariant Anghymwys:

- Costau refeniw,
- Costau prynu adeiladau, tir neu gerbydau,
- Hurbwrcasu / Prynu ar les,
- Costau rhent, cyfraddau, gweinyddiaeth, cerbydau; costau gwaith sydd yn cael ei wneud fel gofyniad cyfreithiol, statudol,
- Costau sydd yn gysylltiedig â chostau rhedeg cyffredin,
- Costau wrth gefn a chyfleustodau,
- Gweithdrefnau statudol fel caniatâd cynllunio neu reoliadau adeiladu,
- Offer / eitemau sydd yn cael eu defnyddio unwaith, yn flynyddol neu sydd yn dymhorol,
- Costau ôl-weithredol h.y. costau offer neu waith sydd eisoes wedi cael eu gwneud,
- TAW
- Costau staff/marchnata

3.0 PWY ALL YMGEISIO:

Gallwch wneud cais am CFfG Grant Cyfalaf Mentrau Cymdeithasol y DU os yw'ch sefydliad:

- Yn rhan o fusnes cymdeithasol h.y. menter gymdeithasol (corfforaethol,) CIC, clwb chwaraeon, sefydliad ieuencid, grŵp addoli, sefydliad i breswylwyr ac ati,
- Wedi'i leoli ym Merthyr Tudful.

Nid ydych yn gymwys am CFfG Grant Cyfalaf Mentrau Cymdeithasol y DU os ydych:

- Yn fusnes preifat (gweler Grant Cyfalaf CFfG ar gyfer Busnes)
- Yn fusnes / grŵp anghorfforaethol,
- Yn fusnes cymdeithasol / grŵp heb gyfrif banc sefydliadol,
- Os oes gan eich sefydliad/ymgeisydd unrhyw ôl-daliadau ariannol â'r Cyngor.

4.0 FAINT ALLAF WNEUD CAIS AMDANO:

Bydd y grant yn ariannu hyd at 80% o gyfanswm costau cymwys y prosiect (o £5,000 hyd at yr uchafswm o £20,000).

5.0 AMSERLEN ARIANNU:

Gweithgaredd	Amserlen/Dyddiad Cau
Cynlluniau grant yn agor	21 Mehefin 2023
Dyddiad cau ar gyfer y cais	5pm 7 Gorffennaf 2023
Penderfyniad i ymgeiswyr	4 Awst 2023
Monitro ac Ymgysylltiad	5 mis
Monitro Terfynol a chau'r Grant	Ionawr 2024

6.0 RHAGOR O WYBODAETH:

Cyn y dyddiad cau, bydd angen i chi gyflwyno ffurflen gais sydd wedi ei chwblhau yn cynnwys yr holl wybodaeth benodol sydd yn y rhestr wirio.

Nodwch: ni fydd ffurflenni cais nad sydd wedi eu cwblhau'n gyflawn yn cael eu hasesu. Sicrhewch eich bod yn cwblhau pob rhan ac yn cyflwyno pob dogfen angenrheidiol.

Ar gyfer gwaith cyfalaf, bydd angen lleiafswm o dri amcanbris a dylid eu cyflwyno ar y cyd â'r ffurflen gais ac unrhyw ddogfennaeth gefnogol.

Ni fydd grantiau'n cael eu cynnig a'u talu i fusnesau neu ymgeiswyr sydd ag ôl-daliadau â'r Awdurdod Lleol. Bydd gwiriadau'n cael eu gwneud.

Bydd yr arian grant yn cael ei dalu, drwy BACS i'r cyfrif banc wedi i ni dderbyn derbynebaw gwreiddiol sydd wedi'u talu a datganiadau banc cyfatebol neu mewn amgylchiadau arbennig, yn seiliedig ar asesiad achos busnes wedi i ni dderbyn anfoneb.

Bydd angen i bob prosiect gael eu cwblhau erbyn 18 Rhagfyr 2023 gan gynnwys tystiolaeth gwariant.

Byddwn yn derbyn pob cais a dogfennaeth ar yr e-ffurflen ar wefan CBSMT. Os oes gennych unrhyw broblemau, hysbyswch aelod o'r staff drwy'r cyfeiriad e-bost, isod. Nodwch hefyd nad yw cyflwyno cais yn rhoi sicrwydd ariannu.

economic.development@merthyr.gov.uk

7.0 MEINI PRAWF Y RHESTR FER AC ASESU:

Bydd eich cais yn destun gwiriad dilysu cychwynnol er nwy sicrhau eich bod wedi cyflwyno'r wybodaeth gywir. Yn ychwanegol, bydd pob sefyldiad / busnes yn destun gwiriadau diwydrwydd fel rhan o'n prosesau amodau grant.

Bydd ail ran yr asesiad yn cael ei asesu gan banel arbenigol ac yn defnyddio'r meini prawf canlynol:

- Gwerth am arian
- Creu Swyddi/Diogelu
- Effaith economiadd a chymdeithasol
- Deilliannau'r Prosiect
- Angen
- Cynaliadwyedd / Hyd y Prosiect / Gwaith
- Amserlen y Prosiect

Os oes gennych unrhyw ymholiadau, cysylltwch â'r Tîm Mentergarwch ar
economic.development@merthyr.gov.uk

LEVELLING UP — FFYNIANT — BRO —